

30 (Semper)amans essem, semper et absque malo.
 (Non)ullum tibi praeferrem, te corpore toto
 (Proteg)erem, fruerer semper amore tuo.
 (Int)ra te clausum, fieri si posset, haberem
 (Visc)era, te retinens cordis amore mei.

35 (Nobi)libus me praetuleras, matremque vocasti
 (In re)gnum, regni que velut exul erat.
 (Iam tan)quam consors et non successor habebam
 (Imperi)i, qui rex ipse secundus eram.

(O mis)er Antypater, cui gratia tanta bonorum
 40 (Esset), ut invidiam gigneret illa tibi.

(O quam) stultus ego discedens patre relicto:
 (Sic) datur insidiis invidiaeque locus.
 (Dum diu de)moror pro patris amore salutis,
 (Propria patri)s amore est mihi rapta salus.

45 as)cribam mihi, nil habeo tamen: ut te
 tu)ear, me pater ire iubes.

.
 Terrarum princeps Caesar ubique potens.

Arbiter ille mei cordis, me patris amantem

50 Appellans totum fecerat esse suum.

Testetur Caesar mihi quod de patre loquebar,
 Cum mea vox apud hunc posset obesse tamen.

Sis testis, Caesar, quod de causis aliorum

Vox tua firmabat iudiciumque tuum,

55 Qui tanti sceleris, quod vendicat a patre ceso
 Nomen, scrutator verus et ultor eras.

Hâ mihi si praesens fieret tuus, inclite Cesar,
 Vultus, sed procul est Roma thronusque tuus.

Nunc sine te, princeps, abiudicor a patre praesens,

60 Est tamen in scriptis quae modo gesto tuis.

Offero scripta patri tua, que metuunt patricide,

Que metuunt illi, quos sua culpa gravat.

Suscipe scripta, pater, que producant in aperto,

Que cupiunt tantum non latitare scelus.

65 Cesaris hos apices lege: qui dudum tuus ultor

Exstitit, instructor sit tuus iste modo.

Et quibus es dudum, pater, usus, ut ultio detur,

Uttere nunc istis, fiat ut inde salus.

Defero scripta mei testantia cordis amorem,

70 Que mihi direxit Cesaris illa manus.

Te regem magnum fecit regis manus, ardens

Inposuit capiti cum dyadema tuo.

Hic prius odisset, si me similem didicisset

Fraterni sceleris regius ille vigor.